



Broj: 03-45-1-1094/24
Maglaj, 18.07.2024.godine

Na osnovu člana 8. stav (2) Kriterija za utrošak sredstava iz Budžeta Općine Maglaj za 2024. godinu sa transfera „Elementarne nužne životne potrebe i/ili vanredne pomoći lica i porodica u stanju socijalne potrebe“ (Službene novine Općine Maglaj“, broj: 1/24) Općinski načelnik objavljuje:

JAVNI POZIV

za podnošenje zahtjeva za dodjelu jednokratne novčane pomoći u svrhu sufinansiranja troškova liječenja maloljetnog djeteta oboljelog od dijabetesa tipa 1 iz Budžeta Općine Maglaj

I - PREDMET JAVNOG POZIVA

Predmet Javnog poziva je dodjela jednokratne novčane pomoći roditelju u svrhu sufinansiranja troškova liječenja maloljetnog djeteta oboljelog od dijabetesa tipa 1.

II SREDSTVA ZA REALIZACIJU

Sredstva za realizaciju ovog Javnog poziva utvrđena su u Budžetu Općine Maglaj za 2024.godinu.

III - KRITERIJI ZA OSTVARIVANJE PRAVA

Kriteriji za ostvarivanje prava na jednokratnu pomoć iz člana 1. ovog Javnog poziva su:

1. Prebivalište na području općine Maglaj;
2. Posjedovanje liječničkih nalaza utvrđenog oboljenja maloljetnog djeteta;

IV - DOKUMENTACIJA ZA PRIJAVU

Roditelj koji ispunjava kriterije za ostvarivanje prava iz Javnog poziva prilikom podnošenja zahtjeva na propisanom obrascu za ostvarivanje prava dužne su dostaviti i sljedeću dokumentaciju:

1. Izvod iz matične knjige rođenih za maloljetno dijete;
2. Uvjerenje o kretanju (obrazac PBA-4 original ili ovjerena fotokopija ne starija od 3 mjeseca), kao dokaz o prebivalištu na području općine Maglaj najmanje 2 (dvije) godine, prije podnošenja zahtjeva za ostvarivanje prava;
3. Nalaz i dokaz za liječenje dijabetesa tipa 1;
4. Predračun ili račun troškova liječenja;
5. Potvrda o otvorenom računu u banci.

V- PRILOG JAVNOM POZIVU

Prilog ovog Javnog poziva čine obrasci zahtjeva za ostvarivanje prava, OB-DT1 Obrazac se može preuzeti na protokolu Općine Maglaj i službenoj stranici Općine Maglaj.

VI - VISINA I NAČIN ISPLATE

Visinu isplate jednokratne novčane pomoći utvrdit će Komisija koju imenuje Općinski načelnik.

Način isplate jednokratne novčane pomoći utvrdit će odlukom Pomoćnik općinskog načelnika, u skladu sa članom 6. i 7. Kriterija za utrošak sredstava iz Budžeta Općine Maglajza 2024. godinu sa transfera „Elementarne nužne životne potrebe i/ili vanredne pomoći lica i porodica u stanju socijalne potrebe“ (Službene novine Općine Maglaj“, broj: 1/24).

VII IMENOVANJE KOMISIJE

Općinski načelnik imenovat će tročlanu Komisiju za pregled dokumentacije po raspisanom Javnom pozivu, koja će uvidom u podnesene prijave utvrditi da li dostavljena dokumentacija ispunjava uslove ovog Javnog poziva, te sačiniti rang listu potpunih prijava prema redosljed u zaprimanja.

Isplata novčanih sredstava će se vršiti prema utvrđenoj rang listi, a do utroška sredstava planiranih u Budžetu za 2024. godinu.

Prijave dostavljati u koverti na pisarnicu Općine Maglaj ili putem pošte na adresu:

OPĆINA MAGLAJ
KOMISIJA ZA PREGLED DOKUMENTACIJE PO RASPISANOM JAVNOM
POZIVU

sa naznakom „Javni poziv za sufinansiranje troškova liječenja maloljetnog djeteta
oboljelog od dijabetesa tipa 1 iz Budžeta općine Maglaj za 2024. godinu“
putem protokola općine Maglaj,
sa naznakom – NE OTVARATI-

Javni poziv ostaje otvoren **15 (PETNAEST)** dana računajući od narednog dana od dana objavljivanja.

Nepotpune, neblagovremene i neuredne prijave neće biti uzete u razmatranje.

